



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Brevis Synopsis Vitæ, Ac Virtvtvm P. Antonii Ivlii Brignole  
E Societate Iesv**

**Visconti, Giovanni Maria**

**Antverpiæ, 1671**

Cap. IX. Humilitas P. Antonii Iulii in munere concionatoris usitata.

**urn:nbn:de:hbz:466:1-43372**

panica. Cum essent ambo Alexandriæ in patria Comitis, consultum censuit Superior, ut eum Pater honoris gratia iret salutatum. Ivit, & prudens ille Princeps contemplatus tam humilem, modestum & cum aspectu tam diverso ab antiquo, totum compositum, & spirantem auram vitæ prorsus religiosæ, (ut retulit Pater, qui erat illi socius) postquam illum benigne accepisset, jussissetque sedere, totus in tenuitudinem abiit, & ex motu intimo lacrymas continere non potuit, ac dixit; quod ei sanctam illam sortem sancte invideret. Ita comparuit non vilis ut ambiverat, sed pretiosus, & venerabilis ob ornamentum non affectatæ, at sinceræ humilitatis.

## C A P V T I X.

*Humilitas P. Antonii Iulii exercita in munere concionandi.*

**V**Ita religiosa P. Antonii Iulii fuit quasi tota impensa Ministerio Evangelicæ prædicationis. Etenim ex-

O 3 tra-

tractus è Novitiatu sub finem primi anni , missus fuit ad Collegium Mediolanense , ad repetendam privatim Theologiam sub directione cuiusdam Professoris , qui illi materias distribuebat ; ne illi deesset solidus apparatus doctrinæ , quo erat opus habiturus ad docendum populum ; cui muneri erat à Superioribus destinatus , & à pluribus jam tum expectatus , ob præclara ornamenta naturæ & gratiæ , quibus erat à Deo copiose locupletatus . Interea ne esset diu otiosus , maxime in ætate 48. annorum , non est permisus longo tempore in illa occupatione hærere : confessim absolutis necessariis studiis , quæ propter capacitatem , & velocitatem ingenii , exiguo tempore durarunt ; nec non examine peracto ad professionem , in quo judicatus fuit sapere supra mediocritatem , & excellenti doctrina pollere ; stabiliter applicitus fuit dicendi muneri , & cepit continuo concionari , quamvis tenuiter ad hoc comparatus ; neque enim umquam omisit , vel interrupit hoc opus , usque dum medianis

tibus

tibus istis Apostolicis laboribus, glori-  
osum finem consequutus est. Positus  
ergo in gradu tam sublimi Oratoris  
Evangelici, in quo animæ languidæ &  
leviculæ sinunt se evanescere, & inci-  
piunt se respicere: Pater Antonius Iu-  
lius ostendit quam firmo valeret capi-  
te, & in humilitate solidato, ut opere  
premium me facturum existimem, spe-  
cimina virtutis hujus in isto ministerio  
data, quia sunt valde singularia, con-  
junctim hic recensere.

De suis concionibus humillimè sentiebat : & nihilominus, si videretur fructus, quem in aliis faciebat, & audiatur plausus Auditorum, qui sequebatur : dixisses hominum nullum ita loquutum. Ipse solus instar Pauli recenter conversi *apertis oculis nihil videbat*, & quod amplius *apertis auribus nihil audiebat*, procul remotus imo contrarius illis, qui omnibus tacentibus, ipsi soli sentiunt & vident sua decora, quamquam à nullis aliis percepta. Dum diceret in quadragesima, plane alienus fuit ab omni invidia quod alii majori gauderent auditorio ; quod procura-

O 4 rent

rent per Dominos , & amicos , & commendationes concursum , quod gloria-  
rentur de multitudine qua ipse carebat.  
Totum hoc non probabat , nec volebat  
ut alii pro illo , vel de illo loquerentur.  
Atque ita finita concione , sive secede-  
bat ad cubiculum ut aliquantum quies-  
ceret , sive ascendebat ad fastigium do-  
mus , ut in loco aliquo separato deam-  
bularet ; & subtraheret se congratula-  
tionibus tum , & semper illi importunis.  
Si non potuisset se subducere , & non  
nemō intrareret , ut loqueretur de sua con-  
cione , eamque extolleret : ostendebat si-  
bi displicere , & vel silebat , aut dextrè di-  
cursum divertebat , aut apertè alium  
longe diversum introducebat . Exemplo  
hoc stabilio . Non poterat declinare lau-  
des , quas non nemo ex Patribus cumu-  
labat , de una concione , quam non ita  
pridem habuerat Mediolani . Initio ta-  
cuit aliquanto tempore : sed cum non  
cessaret dicere , aliis placitum , sibi  
odiosum acroama : vertit se ad alium  
ibi præsentem & ex abrupto illi dixit.  
Ibisne brevi Genuam ? non credo quod  
ibi me ita belle videbis depictum . Qua-

inter-

interjectione tam absonta, turbavit  
concentum tam ingratæ musicæ, &  
facta est pausa. Et sane erat tam seria,  
& cordata displicentia, quam haurie-  
bat è suis laudibus, ut nesciret sensum  
suum dissimulare: erumperebat ex acti-  
bus & vultu adeo manifeste, ut semel  
eam animadverterit Pater unus Tauri-  
ni: & motus commiseratione, ne mo-  
lestiam illi ultiori crearet, ipse met  
abruptum discursum, quem in ejus com-  
mendationem instituerat. Si personæ,  
quæ cum eo sermocinabantur essent  
eiusmodi, ut ob humanitatis decorum  
consultum esset omnino tacere, nec  
minus celare displicentiam: narratio-  
nem detorquebat aliquo dicto arguto,  
& amœno: sed tincto pretioso illo ostro  
humilitatis; ut aliquoties factum, quan-  
do recensebantur coram, illi fructus  
eximii quos referebat ex concionibus  
diserte respondit: Personæ meæ re-  
præsentatio plus oratorem sacrum agit,  
quam verba, quæ pronuntio; quemad-  
modum patibulariis contingit, qui  
cruci proximi, fidem faciunt verbis,  
quanta infelicitas sit esse sceleratum,

Q 5      sed

sed populus plus credit spectaculo,  
quam concioni. Judicabat tamen sa-  
tius silentium ad antevertendum. Mul-  
to minus introducebat umquam de il-  
lo sermonem: nec enim auditus fuit  
umquam loqui de concionibus, Pane-  
gyricis orationibus, aut compositioni-  
bus aliis factis ab eo, aut dictis vel in  
bonam, vel in malam partem; vel de-  
prædicando, vel vituperando, ut non  
raro fit ad laudem ciendam: Ut magis  
se ab omni occasione gloriolæ illius  
removeret, non audiebatur vel in fa-  
miliari colloquio narrare res, quæ ac-  
ciderant; & mentionem adiwcere sua-  
rum concionum: sicuti solent quan-  
doque alij dicere in conversatione:  
quando prædicabam ego Romæ. Quan-  
do concionabar Mediolani &c. de his  
rebus, quæ tam sæpe nobis in ore ver-  
fantur, servabat constans & revera  
humile silentium. Nec honores, qui  
illi deferebantur, à populis, Princi-  
bus, & Prælatis cum frequentia aliis  
inusitata, loquendo cum illo tamquam  
cum filio tonitruí, & Apostolico Præ-  
dicatore, visitando, invitando, colen-  
do,

do, delicijs afficiendo, & alijs modis singularis æstimationis præveniendo, alio modo non accipiebat, nisi quo dextrè quilibet declinans & honorum fugiens posset. Et hæc fuga videbatur adhuc illi honorata nimis, si ostenderet se dissimulare, si non velificaretur, si prætextibus coloratis se extricaret. Sic factum Romæ, ubi habebat Cardinales, & multos Prælatos, & nobiliores Dominos sibi propinquos, & veteres amicos. Et Mediolani quidem, ubi plausibiliter converlatus fuerat, dum adhuc sæcularis esset cum Dominabus, & æquestris ordinis præcipuis. Illos non invisebat, nec visitationes admittebat; sed ita se erga illos gerebat, ac si omnem antiquam notitiam abolevisset. Lucæ autem ubi ipse sæcularis, & Marchio ejus filius sæpe fuerat verlatus, nemo erat illorum Dominorum, quem cultis suis moribus, & conciliatrice lingua non demeruerat. Volebant illi, quando isthic concionabatur, antiquam consuetudinem tanto plus colere, quanto cernebant accessione religiosarum virtutum magis

no-

nobilitatam : verum ille tum titu-  
lo concionum , quas , ajebat , sibi  
nimium operæ dare ; tum pretex-  
tu curationis , quam ratione infirmi-  
tatis supradictæ per diem adhibebat;  
omnibus visitationibus vel faciendis,  
vel acceptandis se exemit; & quod se-  
quebatur molestia audiendarum sua-  
rum laudum liberavit. Tantum ad-  
mittebat per intervalla colloquium  
probi unius sutoris , habiti in illa urbe  
pro viro exemplaris , & inculpatæ vi-  
tæ, cum quo jucundum illi erat aliquot  
horas traducere conferentiis spiritua-  
libus. Cremonæ numquam voluit uti  
per civitatem rheda , nec recipere ul-  
lam demonstrationem humanitatis of-  
ficiosæ à benevolentissimo & pruden-  
tissimo Domino Episcopo Francisco  
Visconte; ne quidem illam, qua sapiens  
ille Antistes dignari consuerat alios  
Concionatores , quos solitus erat ali-  
quoties mensæ suæ adhibere , maxime  
ante , vel post dictam quadragesimam.  
Sed quideum terrebat? quod cum ab  
eo cognitus fuisset Romæ , quando  
adhuc juvenculus eo profectus fue-  
rat

rat cum Patre suo Legato Reipublicæ; quæ eum, ut moris, miserat ad præstandam obedientiam suæ Sanctitati, suspicabatur sibi plus reliquias honoris deferendum. Nihilominus è compluribus talibus blanditiis, non invenit semper modum se extricandi. De ejusmodi honoribus aut acceptis aut recusatis absolute semper tacebat, aut si esset interrogatus, loquebatur quasi non dignaretur respondere, nisi semper verbis, quæ impressam gerebant ipsissimam effigiem humilitatis. Concionatus fuerat Quadragesimam Martinæ, & invitaverant eum, ut aliquanto tempore penes illos maneret Sérnissimi Principes, qui eum cum magno sensu pietatis audiverant dicentem, & desiderabant famigatum ex singulari favore extra civitatem aliqua recreatiōne afficere in locis deliciarum, quos Principum more foris habebant. Ipse se operosè excusavit prætextu negotiū prægnantis, quod dicebat se Medioli habere; & exigebat, ut ibi quam primum se sisteret. Et vero statim post festa properavit Mediolanum, quo cum

ve-

venisset citius, quam quisquam opinatus fuisset; obviam factus est cuidam fratri, qui admiratus dixit: quomodo R. V. reversa est tam cito, ut ne quidem prænuntia habuerimus eam venturam? Respondit Pater: egregia res! nunquid è Magnatibus unus ego sum; qui debeam apparatorem præmittere, ut nuntiet me brevi adfore? In honoribus porro, quos videbat se excutere non posse, utebatur alia industria humilitatis, non velle videri humilem se humiliando, nec acquirere honorem cum inutili repulsa honoris; tum enim moris habebat non loqui vel verbum, nullas excusationes humanitatis adhibere, vel instantias ad recusandum. Quando idem ille Episcopus Visconte Patre destinato jam ad dicendum per quadragesimam, è suggestu suæ Cathedralis, singulari circumspectione Concionatoribus Societatis reservato; misserat suum Secretarium cum rheda sex equorum, ut adduceret, & reduceret. Pater ad insolitum istum honorem, quem cum decore, non poterat reiicere, non ostendit id sibi placere  
vel

vel displicere, gratum esse vel ingratum, accipere vel detractare, sed sicut se vehi contentus quod humilaret se, monstrando se æque facilem in acceptando, quam honesto prætextu ad resiliendum. Erat utique tam remotus ab omni specie præsumptionis, cuius impulsu prætenderet in domo majus sibi deferri obsequium, aut delicias in victu, aut majorem curam suæ personæ, quæ esset in tanta auctoritate in Ecclesiis, in quibus concionabatur; ut domi se gereret, quasi minimus omnium, nec plus daret turbationis, quam si non esset in rerum natura. Si excipias quod cibum sumeret in cubiculo, quando per quadragesimam concionibus destinabatur; quamvis esset illi non levis mortificatio; faciebat id ne periculo se exponeret, publico præjudicandi: cæterum non admittebat, nedum petebat rem quampiam, quæ speciem haberet singularitatis, etiam abstinentię eo, quod fatigatio & debilitas suo jure requirebant. Absoluta deinde quadragesima, tam procul erat ne evanescens gestiret,

de

de magno auditorio, singulari applau-  
su, & fructu extraordinario sequuto,  
ut semper potius tam dejecto animo  
reperiatur, quod quandoque opor-  
tuerit eum consolari; contra quam ali-  
quibus contingit, quibus displicet illud  
quod faciunt ex appetitu gloriæ; quia  
revera judicabat se defuisse partibus  
suis, & pulpitum dehonorasse, eo  
quod videretur sibi dixisse quædam,  
quæ haberent plusculum licentiæ, &  
levitatis, quas opinabatur præcone  
verbi divini indignas.

Si contingeret elapsum ei quidpiam  
fuisse dignum censura, aut in se, ut  
possunt etiam prudentiores errare; aut  
propter adjuncta, quæ quandoque  
exigunt particularem circumspecchio-  
nem; ipse non solum non detrectabat  
correptionem, nec excusabat dictum,  
sed errorem plene ac sincere agnosce-  
bat. Cum aliqui ad P. Generalem de-  
tulissent, excessisse in invectiva qua-  
dam è pulpito ex nimio zelo facta, non  
tantum se non purgavit, sed P. Pro-  
vinciali supplex fuit, ne se defenderet,  
ut merito poterat, apud suam Paterni-  
ta-

tatem ; sed permitteret mortificatio-  
nem dignam, ut dicebat , propter suam  
temeritatem , sibi injungi. Notabilius  
aliud documentum , quod Romæ de-  
dit; ubi cum magna vehementia gra-  
vius perstringeret vitia , & exagge-  
ret gravitatem peccatorum , quam ar-  
guebat ex plagis , quas Deus immitte-  
ret Christiano orbi , flagellans etiam  
ferro hostili : exemplo usus est rei , quæ  
Magnatem aliquem perturbavit. Qua-  
re iussus est in pulpite hoc temperare.  
Sine ulla tergiversatione , & oppositio-  
ne sumpfit in se, non solum id facere li-  
benter, verum etiam fecit cum maxima  
claritate , & tranquillitate , observata  
à compluribus prudentibus, Religiosis  
æque ac sæcularibus: & insuper libenti  
animo subivit impositam sibi in refe-  
ctorio poenam, nec doluit eam innotes-  
cere personæ offendæ; quin imo dixit P.  
Generali , etiam si præcipiteret cum re-  
ste ad collum alligato accedere ad suam  
Excellentiam , ut peteret sibi condona-  
rio offendam , se non defuturum. Et in  
omnibus ejusmodi eventibus eo se ge-  
rebat modo , ut licet culpabilem se

P

non

non inveniret, paratus esset dare satisfactionem, & fateri se vere errasse, atque mereri correctionem. Scribens deinde hunc successum ad Amicum, solum dixit: *De meis concionibus absolutis cum consueta mea imprudentia, nihil tibi habeo dicere, ne fastidium pariam argumento parum lectione digno.* Qua parsimonia in scribendo, volebat se præterea privare illa consolatione, quæ sentitur ex eo, quod in simili casu quis possit Amico fidenter aperire, quid sibi sinistri acciderit: dici tamen potest eum non habuisse sensum afflictionis, quem alteri posset communicare; quia apud alios gravius se incusabat absurditatis & temeritatis, quod caruisset semper judicio; & quod meritus fuisset expelli è Societate, cui non noverat servire, at solum damno esse. Nec hoc erat judicium actuale unius vicis, causatum ex aliquo casu extraordinario, sed perpetuò, quantumcumque res illi bene & prospere secundum communem opinionem successissent, humilitas eum in suo tribunali condemnabat. In Epistola ad amicum,

cum, post prædicatam quadragesimam Genuæ anno 1656. maximo concursu, plausu, & fructu: ita fatur: *Fecit mihi Dominus gratiam supra communem, quod dederit mihi vires ad continuandum usque ad finem: sed ego illi correspondi more meo, hoc est absurde; quia subinde timui illi servire, eo quod illum sæpenumero offenderim, effutiendo res insulsa, & indecentes, quas non adverti esse tales, nisi postquam protulisset. Si ante reflexisset, voluisse conferre cum aliis, qui me prudentia antestant.* Has vero quas vocat absurditates, & indecetias, nemo cogitet fuisse vana & levicula, poëticis phaleris, & verbis ad prurientes aures compositis, & risum concitare natis pigmentata, & depravata; sed solum erant tractus aliqui, magis arguti tamen, quam Sacri, qui ex affuetudine librorum variæ eruditionis à se in sæculo stylo eleganti editorum, illi adhæserant: *Quemadmodum S. Hieronymo elegantiae Marci Tullii Ciceronis, & ex versibus Virgili, quos non satis cum maturitate Sacri Oratoris potuerat ad limam revoca-*

re: enimvero Zelus se, & alios salvandi desiderium, cito eum rapuerant ex Academia ad Ecclesiam; nec dederant otium commodum studio Sanctorum Patrum, quorum lectione, ita ejus eloquentia reformabatur, præscindens ornamenta Magdalenæ, & in locum assumens Iudithæ, ut si illi plus temporis relatum fuisset ad se perficiendum, reliquisset normam perfectam sacra eloquentiæ, forte à multis expetitam, sed à paucis impetratam. Qualis cumque tamen fuerit, omnibus erat admirationi, preterquam sibi soli: eapropter arbitrabatur dignam, cui silentium saltem in urbibus imponetur. Hinc in alia sua epistola, dolens se Senâ Missum Romam in lecticâ, ad quod fuerat adactus, quia de facto febricitabat; eratque ejusmodi morbus, ut phtysim minaretur in aëre Senensi: ita tamen scripsit. *Haud dubie habebis quod doleas, quando intelliges me alteri rei servire non posse, quam quod proficiendo nunc uni, nunc alteri Collegio molestus esse, & onera creare debeam: verumtamen me consolor hac satisfactione,*  
quod

quod Superioribus plus una vice repræsen-  
taverim prævisionem meorum successuum,  
& quod par non sim deinceps futurus, li-  
cet alii meliorem de me haberent opinio-  
nem, itineribus conficiendis. Ex humili  
hoc sensu quem de se ipso habebat in  
munere annuntiandi regnum Dei;  
oribatur illud magnum desiderium,  
quod supra, illum notavimus habuisse  
in aliis rebus; nec in hac functione de-  
fuit, instructionis accipiendæ; &  
promptissima facilitas accommodandi  
se aliorum consiliis, atque secundum  
ea componendi æque alias suas actio-  
nes, ac conciones; quia numquam si-  
bi persuadere poterat quod in arte di-  
cendi magister esset. In quadam qua-  
dragesima, Pater, cui multum tribue-  
bat, observaverat non nulla ex con-  
cionibus ab illo auditis, quæ videban-  
tur posse corrigi, ac emendari: aliquo  
igitur post quadragesimam finitam  
tempore, ad eum detulit puncta à se  
censurata. Quibus P. Antonius Julius  
ita recreatus fuit, ut voluerit sæpius  
recurrere ad eumdem Patrem, quo  
melius reminisceretur, & clarius il-

las animadversiones perciperet : nec finis erat gratiarum , quas ei referebat , dicebatque dolere se quod non omnibus suis concionibus interfuisset, ut de omnibus suis erratis judicium prudens ferre posset. Apud alios vero profitebatur , illum Patrem se habere pro amico sibi carissimo , qui se de omnibus secundum veritatem & rationem commonefecisset : condemnans seipsum , nominatim in quibusdam, de imprudentia commissa non parva. Dum versaretur Mediolani , fuit rogatus ab Excellentissimo Senatu , ut peroraret in solemnitate , quam sacrum illud collegium celebrabat , in Die natalitio ultimi Principis Hispaniæ. Pater se excusavit quantum potuit , quia non libenter ratiocinabatur nisi cum fructu , cuius ejusmodi Panegyres parvam spem faciunt. Nitebaturque illum honorem , & plausum exutere , utpote semper hostis omnium earum concionum , quæ pompam habent ; & in genere exornativo plus ostentationis præferunt quam rei. Ista autem vice magis difficilem se  
præ-

præbuit in admittendo , quia sibi in animum induxerat, non posse se discurrere hic & nunc cum satisfactione, tam sapientis & gravis confessus. Verum cum excusatio non esset admissa, humile ejus cor suggestit illi rarum conceptum: petijt enim ut alter componeret discursum, quem ipse sibi imprimeret, & recitaret. Eo nec probato , nec concessso; non supersedit, donec assignaretur ei Pater, qui auxiliarem saltem ei manum in componendo præstaret, & secum conferret. Et de facto contulit, mutavit , correxit , dempsit & addidit ex arbitrio illius Patris , quidquid suggestum fuerat. Nec solum mutavit , accommodando ex virtute certo quodam modo voluntatem , sed maiore virtute penitus subijciens intellectum , fatebatur recte esse emendatum; & ostendebat ipsam personis, quæ ignorabant alienam manum intervenisse , censuram quam tulerat ; & arguebat illa , quæ primo in chartam coniecerat, tamquam inconcinna , aiebatque se multum debere illi, qui plumbum suum

verterat in argentum & aurum. In his erat multo liberalior, corrigebat, & delebat, quando minima umbra apparebat auctoritatis Superiorum. Atque ita Cremonæ significaverat se decrevisse de pulpito proponere casum qui evenerat recenter: Superior curavit eum moneri per Fratrem Coadiutorem, qui erat illi socius, conducibilius fore, si id non diceret. Ipse statim paruit, & erasit. Incumbebat illi Mediolani concio de B. Francisco Borgia, in ejus festo die, quæ maiori quodam apparatu celebrabatur, ob præsentiam D. Ioannis de Borgia præfecti Castri Mediolanensis. Multum tergiversatus est, etiamsi multa illi erga Beatum illum intercessisset propensio tam in sæculo quam Religione: tandem tamen acceptavit laboris solius intuitu: quem appetebat, & à quo alij se subducebant; cum esset tempus, quo studia cessabant. Et tum quidem quod attinet argumentum, non dabat occasionem, timorem demonstrandi, ne esset aliquid in suo conceptu quod esset incongruum, aut suspectum de Iudicij de-

defectu : ut ne tamen impegiisse se  
nesciret , petijt studiose à quodam  
Scholaſtico nostro, ut se moneret , si  
alicubi exerraret. Cæterum quando  
offerebatur necessitas præſtandi ali-  
quam actionem , quæ nata erat ei pa-  
rere plausum singularem , nec posset  
excutere , aut obscurare , quasi habe-  
ret horrorem illius splendoris humani ,  
confestim ſe recipiebat ad orationem ,  
& ut posset ex animo dicere : *diem ho-  
minis non desideravi*, etiam lucem diur-  
nam excludebat , colligens ſe in tene-  
bris ; fortasse ad imitationem P. Vin-  
centij Caraffæ , qui honore affectus à  
Prorege Neapolitano , ut Patrini vice  
aſſisteret filio , Sacro fonte Baptismatis  
luſtrando ; reverſus domum in obſcu-  
ro ſe abdidit , & quæſivit occaſionem ,  
ut omnem aulæ recordationem à men-  
te ſua excluderet. Non abſimiliter P.  
Antonius Iulius , Taurini concionatus  
festo Circumciſionis coram Celsitudi-  
nibus ſuis Regijs , & tota Aula nobilif-  
simæ claritudinis : continuo ſe sub-  
duxit in cubiculum : quo caritas ſug-  
geſſit cuidam Patri , ut eum conveni-

P. 5 ret,

ret, ex sollicitudine, ne deficientibus alijs, qui eum curarent, solus relictus esset, & male illi provideretur; pulsavit ad ostium, & cum ob strepitum, qui foriserat, non audisset, an Pater respondisset; aperuit, & reperit eum in obscuro cum toga, stola, & superpelliceo, sicut descenderat ē suggestū, genuflexum in medio cubiculi; ut corpuscum Deo recolligens, abstrahebat ab illo plausu, & honore externo, qui ei utcumque lenocinatus fuerat, & mentem distraxerat; quo ostenderet pluris se facere illam sui desertionem, quam dignum se censebat, quam concursum.

Configiebat ad omnes illas latebras  
( si tamen ita appellare fas est) quibus  
ejus studebat humilitas procurandis,  
adiunctas claritudini concionum ejus,  
quam dum nitebatur caligine involvere,  
magis acuebat ad splendorem.  
Omitti hic tamen non debet magnum  
& assiduum, quo flagrabat, desiderium  
non prædicandi in urbibus celebrioribus, & magnis; nec ē pulpitis,  
quæ nomen & famam conciliabant; sed  
in exiguis pagis & oppidis, ac locis  
igno-

ignobilibus ; imo prorsus desistere à concionandi munere optabat. Movebatur autem eo ex causa , qua zelum animarum moderabatur ; quod diceret se jam inde à sæculo habuisse appetitum se ostentandi , & quod ille perpetuo sibi adhæreret , faceretque concionari cum ambitione & vanitate. Fatebatur id tam ingenue , & eo candore , ut credibile ficeret , sibi relictum aliquem ex illis Angelis Sathanæ , qui eum colaphisaret puerilibus illis vanæ gloriæ insultibus , ut per illam infirmitatem perficeret se in virtute virili & robusta humilitatis , quæ sub illis iactibus vigorem hauriebat ; & ex adverso suspectas faciebat negationes illorum , qui subinde spirantes vanitatem in dictis , in aspectu , in persona , non habent tamen minimam humilitatis scintillam in corde . Fatebatur P. Antonius Iulus sibi tales favillas aliquando in pectore subfilire , sed tanta cum celeritate eas executiebat , ut non solum *odor ignis non esset in illo* , sed etiam repercuteret eò , unde venerant ; ut inimicus ringeretur , & arderet invidia . Sic Cremonæ , ubi fuit

fuit libentissime auditus, quodam die  
ob exequias celebres, quæ alibi cele-  
brabantur, habuit in concione paucos  
præsentes: de quo sensit primo intuitu  
displacentiam quandam naturalem,  
sed illico ut *faceret cum tentatione pro-*  
*ventum*, se humiliavit, manifestando  
imperfectum suum fratri sibi socio, &  
dicens; quod utcumque sensisset, vi-  
dere auditores tam ratos; sed simul  
adiecit quod si obedientia ei præcepis-  
set, concionari ad nudos parietes; eo-  
dem tenore & fervore dicendi, quo  
alias, usus fuisset. Verum enim vero  
licet hanc insidiantem sibi ambitio-  
nem studeret tantis animis superare,  
quia tamen recordabatur antiquarum  
inanitatum, non fidebat sibi usquequa-  
que. Ut itaque isto se metu liberaret,  
& in pœnitentiam suorum peccato-  
rum; saepius proposuit voce & scrip-  
to suis Patribus Spiritualibus, ac Su-  
perioribus, sibi adimerent ministeria  
ista speciosa, & occuparent se in lo-  
cis & functionibus inferioris ordinis.  
Quam autem sincere hoc cuperet, in  
litteris suis satis exprimebat. In unis  
ad

ad amicum scripsit in hæc verba. Absolvi conciones esurialium dierum magno cum tædio & labore. Nunc cum approbatione Patrum meorum, quibus Spiritus curam concreddi: cogito Patri Generali proponere aliquas rationes concernentes, alias corpus, alias Spiritum; ob quas mihi apparet, si debeam perseverare in munere prædicandi, satius fore sphæram Concionatoris Provincialis, quam Generalis percurrere, id est prædicare in pulpitis tertia classis, quam primæ vel secundæ, quæ P. Provincialis dispositioni relinquuntur. Hæc illi vivaciter proponam, & postea cum resignatione promptum me exhibeo, ad omne id, quod de me statuet Obedientia. Id cum exequutus fuisset, paulo post scripsit ad eumdem: scripsi non ficte, sed ex corde Patri Generali, & proposui illi nervose multa solida in utramque partem argumenta, quibus permoverem, ut consideraret, utrum expediret magis me applicari pulpitis speciosis, in locis, & urbibus conspicuis, quam condicionis minoris, non tamen minus, at fortasse magis idoneis ad fructum colligendum. P. Generalis rescripsit mihi sibi gratum id accidisse, nihil tamen in par-

particulari resolvit. Evidem hoc lucratus videor, quod in illo splendore nihil habitus sum mei, & me promptum obtulerim ad descendendum à summo ad infimum gradum scalæ, sine ulla vel minima repugnatio; uti per Dei gratiam palam faciam, si periculum fiat.

Porro licet videret, quod Superioris prudenter anteponentes gloriam Dei ejus judicio, & desiderio fugiendo vanam gloriam; nec non civitatum, & Prælatorum expectationem, bono humiliationis ejus, non annuerent ejus petitionibus: quia tamen illæ proficisciabantur ex sincero corde, & cupientissimo, non apparendi humilis, sed vilis, ut sibi persuadebat se esse; non desijt umquam prolixis id litteris sollicitare, & instanter à Superioribus deposcere, nec desijt, usque dum vita suppetteret. Anno 1661. quatuor præter propter mensibus, priusquam ad meliorem vitam migraret; dum esset Mediolani ut diceret per Adventum, eo quod debilitas virium se proderet in vultu, & indicium esset, quod affligeret se maioribus doloribus, quam par erat

erat, præcepit illi P. Provincialis, ut chartæ committeret omnes orationes, devotiones, & austeritates corporis, quas faciebat, quo eas moderaretur, & solatijs reficeret. Quid ipse? Quamvis esset humillimus, paruit tamen confestim, & quod erat iussus facere, in folio descriptis, & tradidit: de quo postea redibit mentio: finita autem enumeratione pœnitentiarum, non reflectens, quod non exigeretur ab illo recitatio desideriorum, quibus flagrabat ad se humiliandum; quoniam tamen ijs plenum habebat cor, ut quocumque loco & tempore ea excitaret, adiunxit etiam ea *opportune importune*, & verbis suis expressit, quæ operæ pretium erit ad edificationem hic referre. Et licet alibi aliquid in hanc rem perstringendum est, nec ingratum, nec superfluum erit ea subiungere tamquam spirantia præstantem virtutem. Dicit itaque in hunc modum: *Habebam ex natura meretricium genium ad studia litterarum, & vanitatis, quæ ex illis resultat, cupidissimum; nec habilitas supra vulgarem ad ea assequenda deerat.*

deerat. Verum enim vero Pater meus ei non velificabatur, non permittens me frequentare scholas. Sed domi dabant mihi Magistros parum peritos, à qualibus cum facile didicissem, quidquid habebant scientie, credebam me affatim sapere. Postquam vero in virum excrevi, vidi me parum sci-re: & quasi phrenetica quadam ambitione in cupiditatem abreptus, me in doctrinis perficiendi; volui tempus deperditum recuperare; atqui totis diebus & quasi totis noctibus incumbendo studijs, sensi me magis, ut ita dicam intricari, quam proficere: ad eum modum, ut licet stomacho præditus essem & capite fortissimo, post quinque, vel sex annos, quibus eam vivendi normam sectatus fuisset, expertus sum unum & alterum ita labefactatum, ut invenirem me plane inidoneum, qui deinceps aliquid præstare posset. Perpetuo tamen per annos plurimos, violentâ illâ passione doloris fui cruciatus, quod caruisset bona directio-ne in conquirendis scientijs, & quod valetudinem pessimum dedisset ex ambitione eas assequendi, & per earum splendorem emen-dandi. At licet mihi per Dei gratiam lus aliqua affusa sit rerum eternarum, qua ille pas-

passiones non parum fuerunt refrenatae, non  
tamen fuerunt penitus extinctae; nam per  
intervalla melancholicis insultibus me im-  
pugnarunt, nominatim sugerendo appeti-  
tum commorandi in locis celebrioribus, in  
quibus obeuntur functiones illustres, & lit-  
terae efflorescunt; tum quando isthic judico  
de tali vel tali juvene, quod in re littie-  
aria laudem tulerit, mihi recurrit in men-  
tem, quod cum essem adhuc aetate inferior,  
plus præstissimum, si pares præceptores ha-  
buissem. Quæ omnes aridates ex vanitate  
spiritus originem habebant, cui fui extremè  
obnoxius; neque adhuc modo ab illâ sum  
omnino immunis. Puto me vero, ab ea im-  
pugnatione penitus liberatum iri, si vivere  
mihi detur in quopiam Collegio, mini-  
sterijs tam splendidis non occupato, sed  
omnibus ignoto; & sub Superiore, qui ex  
natura contrarius meo genio, occasionem  
det abnegandi meam voluntatem; quod si  
autem pars iunc sensitiva sentiret, repug-  
nantiam in parte inferiori; nihilominus  
pars Superior, ut mihi persuadeo, proemo-  
lumento spirituali haberet non leve substi-  
dium. Quare R. V. infimis precibus obte-  
ctor, in genua abiectus, ut pro gloria Do-

Q

mini

mini Dei nostri, mihi hoc tribuere digne-  
tur. Hæ erant impressiones & cogita-  
tiones humillimi illius cordis, in qui-  
bus ultra notitias, quas dedit suæ ex-  
cellentiæ naturalis, tanto securioris,  
quanto magis comparatæ ad se humi-  
liandum, manifestarunt se tantæ vir-  
tutes, quantas poterit observare Reli-  
giosus Lector, cupidus proficiendi.

## C A P V T X.

*Mortificatio passionum in animo P. An-  
tonii Iulii.*

**M**ortificationi hæroicæ passionis  
tam superbæ, possumus Socias  
addere, quasi in comitatum triumphi,  
alias passiones animi, quæ fuerunt ab  
illo tam alacriter coërcitæ & refræna-  
tæ, ut cum ne quidem parvi motus  
fuerunt ei familiares, non potuerit  
deprehendi quo firmo animi decreto  
dominium eorum sibi comparasset.  
Sufficient tamen pauca judicia in ar-  
gumentum victoriæ tam generosè ob-  
tentæ. In eorum seriem accenseri po-  
test